

७. विज्ञाचरणं

“कतमं पन तं, भो गोतम, चरणं? कतमा च पन सा विज्ञा” ति?

२५. “न खो, अम्बटु, अनुत्तराय विज्ञाचरणसम्पदाय जातिवादो वा वुच्चति, गोत्तवादो वा वुच्चति, मानवादो वा वुच्चति—‘अरहसि वा मं त्वं, न वा मं त्वं अरहसी’ ति। यत्थ खो, अम्बटु, आवाहो वा होति विवाहो वा होति, आवाहविवाहो वा होति, एत्थेतं वुच्चति जातिवादो [N.87] वा इति पि गोत्तवादो वा इति पि मानवादो वा इति पि—अरहसि वा मं त्वं, न वा मं त्वं अरहसी ति। ये हि केचि, अम्बटु, जातिवादविनिबद्धा वा गोत्तवादविनिबद्धा वा मानवादविनिबद्धा वा आवाहविवाहविनिबद्धा वा, आरका ते अनुत्तराय विज्ञाचरणसम्पदाय। [R.100] पहाय खो, अम्बटु, जातिवादविनिबद्धं च गोत्तवादविनिबद्धं च मानवादविनिबद्धं च आवाहविवाहविनिबद्धं च अनुत्तराय विज्ञाचरणसम्पदाय सच्छिकिरिया होती” ति।

“कतमं पन तं, भो गोतम, चरणं, कतमा च सा विज्ञा” ति?

२६. “इध, अम्बटु, तथागतो लोके उप्पज्जति अरहं सम्मासम्बुद्धो विज्ञाचरणसम्पत्रो सुगतो लोकविदू अनुत्तरो पुरिसदम्मसारथि सत्था देवमनुस्सानं बुद्धो भगवा। सो इमं लोकं सदेवकं समारकं सब्रह्मकं सस्समणब्राह्मणिं पजं सदेवमनुस्सं सयं अभिज्ञा सच्छिकत्वा पवेदेति। सो धम्मं देसेति आदिकल्याणं मञ्जोकल्याणं परियोसानकल्याणं सात्थं सब्यञ्जनं, केवलपरिपुण्णं परिसुद्धं ब्रह्मचरियं पकासेति। तं धम्मं सुणाति गहपति वा गहपतिपुत्तो वा

अञ्जतरस्मि वा कुले पच्चाजातो । सो तं धर्मं सुत्वा तथागतो सद्धं पटिलभति । सो [B.94] तेन सद्गापटिलाभेन समन्नागतो इति पटिसञ्चिक्खतिपे०.... । (यथा सामञ्जफले एवं वित्थारेतब्बं ।)

“सो विविच्चेव कामेहि, विविच्च अकुसलेहि धर्मेहि, सवितकं सविचारं विवेकजं पीतिसुखं पठमं ज्ञानं उपसम्पज्ज विहरति....पे०.... इदं पिस्स होति चरणस्मि ।

“पुन च परं, अम्बद्व, भिक्खु वितक्कविचारानं वूपसमा अज्ञतं सम्पसादनं चेतसो एकोदिभावं अवितकं अविचारं समाधिजं पीतिसुखं दुतियं ज्ञानं उपसम्पज्ज विहरति....पे०.... इदं पिस्स होति चरणस्मि ।

“पुन च परं, अम्बद्व भिक्खु पीतिया च विरागा उपेक्खको च विहरति सतो च सम्पजानो, सुखं च कायेन पटिसंवेदेति, यं तं अरिया आचिक्खन्ति—‘उपेक्खको सतिमा सुखविहारी’ ति, ततियं ज्ञानं उपसम्पज्ज विहरति....पे०.... इदं पिस्स होति चरणस्मि ।

“पुन च परं, अम्बद्व, भिक्खु सुखस्स च पहाना दुक्खस्स च पहाना, पुब्बेव सोमनस्सदोमनस्सानं अत्थङ्गमा, अदुक्खमसुखं उपेक्खासतिपारिसुद्धिं चतुर्थं ज्ञानं उपसम्पज्ज विहरति....पे०.... इदं पिस्स होति चरणस्मि । इदं खो तं, अम्बद्व, चरणं ॥

“सो एवं समाहिते चिते परिसुद्धे परियोदाते अनङ्गणे विगतूपक्लिलेसे मुदुभूते कम्मनिये ठिते आनेञ्चप्ते जाणदस्सनाय चित्तं अभिनीहरति अभिनिन्नामेति....पे०.... इदं पिस्स [N.88] होति विज्ञाय....पे०.... नापरं इत्थत्ताया ति पजानाति । इदं पिस्स होति विज्ञाय । अयं खो सा, अम्बद्व, विज्ञा ॥

“अयं वुच्चति, अम्बद्व, भिक्खु विज्ञासम्पन्नो इति पि, चरणसम्पन्नो इति पि,

विज्ञाचरणसम्पन्नो इति पि । इमाय च, अम्बटु, विज्ञासम्पदाय चरणसम्पदाय च अज्ञा
विज्ञासम्पदा च चरणसम्पदा च उत्तरितरा वा पणीततरा वा नत्थि ।